



**ATASSUT**

**UPA 2016/137**

**Steen Lynge**

**09. 05. 2016.**

**Kalaallit Nunaanni inatsilerinermut kandidatinngorniarfimmik pilersitsisoqarsinnaanera pillugu nassuiaammik kingusinnepaammik UPA2017-imi Inatsisartunut saqqummiunneqartussamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaatur siunnersuut.**

**(Inatsisartunut ilaasortaq Ineqi Kielsen, Siumut)**

Atassut-ip ilinniartitaanermut tunngatillugu politikkeraa, nunatsinni innuttaasut sapinngisamik amerlanerpaanik nunarput qimangikkaluarlugu ilinniagaqarsinnaanermik periarfissaqarnissaat. Nunatsinni ilinniarterup qulakkeersinnaavaa amerlanerusut ilinniakkaminnik naammassinnittarsinnaanerat.

Taamatullu siunnersuuteqarneq Ilimmarfimmit kissaatigineqartumut tassalut inatsilerisuutut Ilimmarfimmi ilinniarsinnaanissamik tapersiilluinnarpoq. Ilimmarfimmit periarfissanik misissuisitsilluni aallartisaasimanerat tamanna takussutissaavoq.

Atassut-mit nunatsinni inatsilerituutut ilinnialersinnaanermik aallartitsisoqarnissaa pillugu misissueqqusinermik siunnersuut tapersornartipparput.

Atassut-milli naqissusissavarput pingaartikkatsiguk, ilinniartitaanerit nunatsinnut angerlaannerini ilinniartitaanerit pitsaassutsimikkut appasinnerulernerisigut inissinnginnissaat. Ilinniartitaanerit pitsaassutsimikkut appasinneruleraangata innuttaasut kiffartuunneqarnerat ajornerulersarmat.

Ilinniartitaanerit pitsaassusaasa apparnerisa kingunerisinnaasarpaat innuttaasut ataasiakkaat pisinnaatitaaffiinik annaasaqarnerat.

Taamaammat ilinniartitaanerit angerlaanniarneqartut pitsaassutsimikkut qulakkeerneqaqqaarnissaat akisussaaffigaarput.

Tamannaluuna pissutigalugu Atassut-mit piffissami kingullermi nuannaarutigalugu oqariartuutigisaripput, Ilimmarfimmit siunissami ilinniartussaminnut piumasagaatik qaffassarumammagit.

Taamatut oqaaseqarluta siunnersuutip ingerlaqqinnissaa tapersissavarput.